

Kéngkài Ímloān

- 1 Góa ê kiáⁿ ah, lí tiòh liúsim góa ê tìhūi,
àⁿ hīⁿkhang thiaⁿ góa chhongbêng ê òe,
2 thang hō lí ē tàng póchhī kínsīn,
lí ê chhùitūn ē tàng póchūn tìsek.
3 Inūi ímhū ê chhùitūn ē tih bit,
i ê chhùi pí iū khah kút;
4 m̄ koh, kàu lō̄bé khiok khó kah ná chhinchhiūⁿ
intîn,
lāi kah chhinchhiūⁿ siangbīn lāi ê kiàm.
5 l̄ ê kha kiáⁿ òng sítē;
i ê khapō titchiap thongkàu imhú.
6 l̄ bô kiáⁿ tī pēⁿtháⁿ ê sèⁿmiā chi tō;
i ê lō̄kèng oankhiau bô khaktēng, i kakī khiok m̄
chai.
7 Góa ê cheng kiáⁿjī ah, taⁿ lín tiòh thiaⁿthàn góa,
m̄ thang khìsak góa só kóng ê òe.
8 Tiòh hō lí ê tōlō̄ līkhui i hñghñg,
m̄ thang kiáⁿ óa i ê m̄ngkháu,
9 chiah biántit lí kā kakī ê êngkng kui hō pátlâng,
koh kā lí ê nījít kau hō chānjím ê lāng;
10 mā biántit gōalâng hiángiōng lí ê chāihù,
lí lôlók só tit lâi ê sêngkó ē kui tī gōalâng ê ke.
11 Tī lí sèⁿmiā ê lō̄bóe, lí ê jiòkthé soepāi,
lí ē aithàn, kóng,
12 "Góa ná ē iàmòⁿ koánkà,

警戒淫亂

- 1 我 ê kiáⁿ ah, 你 tiòh 留心我 ê 智慧,
àⁿ 耳孔聽我聰明 ê 話,
2 thang hō你 ē tàng 保持謹慎,
你 ê 嘴唇 ē tàng 保存智識。
3 因為淫婦 ê 嘴唇 ē 滴蜜,
她 ê 嘴比油 khah 滑;
4 M̄ koh, 到路尾卻苦 kah ná 親像茵蔯,
利 kah 親像雙面利 ê 劍。
5 她 ê 腳行 òng 死地;
她 ê 腳步直接通到陰府。
6 她無行 tī 平坦 ê 性命之道;
她 ê 路徑彎曲無確定, 她 kakī 卻 m̄知。
7 我 ê 眾 kiáⁿ 兒 ah, taⁿ lín tiòh 聽 thàn 我,
m̄ thang 棄 sak 我所講 ê 話。
8 Tiòh hō你 ê 道路離開她遠遠,
m̄ thang 行 óa 她 ê 門口,
9 chiah 免得你 kā kakī ê 榮光歸 hō別人,
koh kā 你 ê 年日交 hō殘忍 ê 人;
10 mā 免得外人享用你 ê 財富,
你勞碌所得來 ê 成果 ē 歸 tī 外人 ê 家。
11 Tī 你性命 ê 路尾, 你 ê 肉體衰敗,
你 ē 哀歎, 講:
12 「我 ná ē 厭惡管教,

góa ê sim ná ē biáusī chekpī?
13 Góa bô thiaⁿthàn góan lāusu ê òe,
mā bô àⁿ hīⁿkhang thiaⁿ hiah ê kàsī góa ê lāng.
14 Góa tī hōechiòng ê chūhōe tiong,
íkeng kiông beh hāmjíp tàk chióng ê siáok."
15 Lí tiòh lim kakī chúitī lāi ê chúí,
kah kakī chéⁿ lāi số bunn chhut lāi ê chúí.
16 Lí ê chúichôaⁿ kám thang ek chhutkhì gōabān?
lí ê khechúí kám thang lâu khì kelō?
17 Tiòh hō in tòktók kui tī lí chít lāng;
m̄ thang kah pátlāng hunhióng.
18 Goān lí ê chúichôaⁿ tit tiòh hokkhì;
goān lí kah lí siàuliân ê sī số chhōa ê khanchhiú
chòhóe hoaⁿhí.
19 I chhinchhiūⁿ khòai ê lòkbú, kah iungá ê lòkbú;
goān i ê heng chêng hō lí sísí boánchiok;
goān i ê àichêng hō lí siôngsiông loānbō.
20 Góa ê kiáⁿ ah, lí ná ē bêloân îmhū?
Ná ē khì lám pátê chabó lāng?
21 Inūi lāng số kiáⁿ ê lō lóng tī SiōngChú ê
bàkchiu chêng;
I kàmchhat lāng sốu ê tōlō.
22 Pháiⁿlāng ē hō in kakī ê chōegiát liàhtiâu;
koh ē hō kakī chōeok ê soh'á khún pák.
23 I ē inūi khiàmkhoat kàsī tìkàu síbông;
koh ē inūi siuⁿkòe gūgōng tìkàu kiáⁿ bêlō.

我 ê 心 ná ē 藐視責備?
13 我無聽 thàn 阮老師 ê 話,
mā 無 àⁿ 耳孔聽 hiahê 教示我 ê 人。
14 我 tī 會眾 ê 聚會中,
已經強 beh 陷入 tàk 種 ê 邪惡。"
15 你 tiòh lim kakī 水池內 ê 水,
kah kakī 井內所 bunn 出來 ê 水。
16 你 ê 水泉 kám thang 溢出去外面?
你 ê 溪水 kám thang 流去街路?
17 Tiòh hō in 獨獨歸 tī 你一人;
m̄ thang kah 別人分享。
18 願你 ê 水泉得 tiòh 福氣;
願你 kah 你少年 ê 時所娶 ê 牽手做伙歡喜。
19 她親像可愛 ê 鹿母, kah 優雅 ê 鹿母;
願她 ê 胸前 hō 你時時滿足;
願她 ê 愛情 hō 你常常戀慕。
20 我 ê kiáⁿ ah, 你 ná ē 迷戀淫婦?
Ná ē 去攬別 ê chabó 人?
21 因為人所行 ê 路 lóng tī 上主 ê 目 chiu 前;
祂鑑察人所有 ê 道路。
22 Pháiⁿ 人 ē hō in kakī ê 罪孽掠 tiâu;
koh ē hō kakī 罪惡 ê 索 á 網縛。
23 伊 ē 因為欠缺教示致到死亡;
koh ē 因為 siuⁿ 過愚戇致到行迷路。